

內府鑄通宝以便濟民或充百官俸給或賞勞邊關軍士
乞照求樂年間設立倒鈔庫將銅錢照時價賣
予各處客商行不期年則盜鑄息而國用恒足
矣

前件查得洪武求樂宣德年間銅錢缺少方纔

奏

請鑄造見令戶部各處該納般隻鈔貫門推商稅銅錢鈔
貫相兼收放不見缺乏准再鑄造况伏覩

大明律內一款凡私鑄銅錢者絞匠人同罪為從及知情
買使者各減一等告捕者官給賞銀伍十兩欽
此欽遵其言頑民無知盜鑄日甚合無行移內
外法司申明律意嚴加禁約及在京錦衣衛并
五城兵馬司若有盜鑄者一体緝拿問罪

私鑄銅錢加號充軍

成化十三年六月十六日刑部尚書董 等題為私

鑄銅錢事該直隸蘇州府知州劉瑀等奏蘇州衛
致仕千戶申志先次糾合民人陳惶等私鑄銅錢事
發未會提問今又糾合民人姚忠等買到生銅在家
貨賣似此累犯不悛全無畏憚合提問罪及訪得近
年在外使用新錢多係蘇松常鎮杭州臨清無
籍軍民人等不畏法律公然鑄造以沽四方商人
等多用銀兩雲集被虔收買用舡裝載各處發賣奸
弊日滋隕壞錢法深為未便如欲清其流莫若察其
源源索則流清為此合無批詞移咨巡撫直隸都察
院右副都御史牟奉就行行提致仕千戶申志到官
取問如律監候奏

請定奪除已聞發外仍令本官并巡按浙江山東監察御史各出榜禁約所屬地方今後軍民人等如有仍前公然在被私鑄銅錢貨賣事發到官即將為首并匠人依律問擬明白監候呈詳待報為從及知情買使者於人烟輳集去處用百斤大枷枷號示衆一月滿日連當房家小俱發附近衛分充軍舍餘旗軍原係衛者舍餘仍發附近衛充軍俱止終本身軍職旗軍調發極邊衛分差操賊官有犯奏

請發落若里老隣佐人等知情故縱者一体治罪題奉聖旨是欽此

通行禁約私鑄銅錢若為從及知情買使者俱枷號充軍例

成化十四年八月十七日都察院掌院事太子少保兵部尚書兼左都御史王 等題為訪獲與販假錢事河南道呈先奉本院劄付本道呈該錦衣衛掌衛事都指揮同知牛侑奏該校尉李忠丘等訪獲與販假錢男子六名到衛審得壹名王原招係旗手衛中所軍餘一向逃在河南歸德州地名丁家道口潛住成化十四年二月內原得未獲許州民人宋名何剛張剛趙進宋鑑張讓候名杜札等家鑄造銅錢貨賣是原不合收買雜銅閭宋名等允換銅錢來京到於今在官叔王端家藏放有鋪戶于祥等發賣肥已迴還又同今在官婦德衛逃軍張五山東長山縣逃民